

Aningaasarsianit akileraarutit pillugit Inatsisartut inatsisaanni kapitali 10-mi aalajangersakkanik unioqqutitsinermi pisortatigoortumik akiliisitsinissamik aalajangiisoqartarnera pillugu Akileraartarnermi Pisorta qarfiup kaajallaasitaa

Naalakkersuisut aningaasarsianit akileraarutit pillugit Inatsisartut inatsisaanni § 108 naapertorlugu Skatterådip inassuteqarneratigut inatsimmi kapitali 10-mi aalajangersakkanik unioqqutitsinermi pisortatigoortumik akiliisitsinissamik aalajangiisarnermi malittarisassiat imaattut aalajangersarsimavai:

1. Piaarluneerluni unioqqutitsinermi akiliutissat aalajangerneqartassapput nalinginnaasumik tassaattillugit akileraarutissaagaluit ilaasa akilinngitsuumik pingasoriaataat.
Annertuumik mianersuaalliornermi akiliutissat aalajangerneqartassapput nalinginnaasumik tassaattillugit akileraarutissaagaluit ilaasa akilinngitsuumik 1½-eriaataat.
Pineqartup "imminik nassuertutut" isigineqarsinnaaffiini, tak. pinerluttulerinermi Kalaallit Nunaannut inatsimmi § 88, nr. 8, akiliutissat -iminnut ikilisinneqartassapput.
Unioqqutitsineq tassaagaangat aningaasarsiat ilaasa ukiumit aningaasarsiorfimmit allamut pisinneqarnerat akiliutissat nalinginnaasumik aalajangerneqartassapput piaarluneersoqartillugu tassaattillugit akileraarutissaagaluit ilaasa akilinngitsuumik 1½-eriaataat annertuumillu mianersuaalliortoqaraangat tassaattillugit ¾-ii.
2. Aningaasarsiat nikingassutaat 9.999 koruunit tikillugit annertussuseqaraangata akiliutissat aalajangerneqartassapput piaarluneersoqartillugu tassaattillugit akileraarutissaagaluit ilaasa akilinngitsuumik 1½-eriaataat annertuumillu mianersuaalliortoqaraangat tassaattillugit ¾-ii.
Akiliutissat hundrede koruuninut qaninnerpaanut ammut akunnaallineqartassapput.
Nikingassutit assigiinngitsut arlaliugaangata akileraarutit akiliisitsissutaasussat naatsorsorneqarneranni imaalliortoqartassaaq:
 - a) siullermik ilanngunneqassapput nikingassutit akisussaasussanngortitsinngitsut,
 - b) taava ilanngunneqassapput nikingassutit annertuumik mianersuaalliornermik pissuteqartut taavalu
 - c) ilanngunneqassapput nikingassutit piaarluneernermik pissuteqartut.
3. Akiliutissat 1.000 koruuninut ikinneruppata suliassaq inerineqarsinnaavoq pineqartup ima nalunaarfigineqarneratigut: unioqqutitsisoqarnera paasineqarsimasoq pisimasullu tunngavigalugit qanoq iliuuseqaqqittoqassanngitsut, kisiannili unioqqutitsisoqaqqinnerani akisussaatsiniartoqarumaartoq.

Akiliutissat maleruagassiat qulaaniittut malillugit naatsorsorneqartut 50.000 koruuniuppata taakkunanngaluunniit amerlaneruppata suliassaq eqqartuussisunut suliassiissutigineqassaaq. Pineqartoq pinerluttulerinermi Kalaallit Nunaannut inatsimmi § 88, nr. 8 naapertorlugu "imminik nassuertutut" isigineqarpat suliassaq, hikingassutit annertussusii soqutiginagit, pisortatigoortumik aalajangiivigineqassaaq.

4. Akileraartarnermi Pisorta qarfik piginnaatinneqarpoq malittarisassiat siuliiniittut malillugit eqqartuussisutigoortitsinertaqanngitsumik akiliisussanngortitsiniarsinnaanissamut.

5. Kaajallaasitaq ukioq aningaasarsiorfik 1980 aallarnerfigalugu atulerpoq.

Sidst opdateret den 25. oktoberi 2005

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut